

**ԾԱՌԱՅՈՒԹՅՈՒՆՆԵՐԻ  
ՄԱՏՈՒՑՄԱՆ ՊԱՅՄԱՆԱԳԻՐ N ԾՁԲ-01**

«23» հունվար 2017թ.

Սյունիքի մարզի ընդհանուր իրավասության դատարանի աշխատակազմ «ՀՀ դատական դեպարտամենտ» ՊԿԴ-ի առանձնացված ստորաբաժանումը՝ այսուհետ «Պատվիրատու» ի դեմս աշխատակազմի ղեկավար Գ. Հովհաննիսյանի և «Արցախփոստ» ՓԲԸ, այսուհետ «Կատարող», ի դեմս տնօրեն Գ. Գրիգորյանի, կնքեցին սույն պայմանագիրը հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ ԵՎ ԳՈՐԾՈՂՈՒԹՅԱՆ ԺԱՄԿԵՏԸ**

1.1 Կատարողը պարտավորվում է սույն պայմանագրով նախատեսված ժամկետներում իրականացնել Պատվիրատուի կողմից ուղարկված փոստային առաքանու առաքման ծառայություններ (այսուհետև՝ Ծառայություն), իսկ Պատվիրատուն պարտավորվում է ընդունել Ծառայությունը և վճարել դրա դիմաց:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն իրավունք ունի.**

2.1.1 Ցանկացած ժամանակ ստուգել կատարողի կողմից մատուցվող Ծառայության ընթացքը և որակը՝ առանց միջամտելու կատարողի գործունեությանը:

2.1.2 Առանց Ծառայության արդյունքի դիմաց վարձատրելու միակողմանի լուծել սույն պայմանագիրը և պահանջել հատուցելու իրեն պատճառված վնասները, եթե Կատարողի կողմից մատուցված Ծառայությունը չի համապատասխանում սույն պայմանագրով սահմանված պահանջներին և /կամ/ խախտվել է Ծառայության մատուցման ժամկետը և Ծառայությունը չի կարող մատուցվել Պատվիրատուի համար ընդունելի ժամկետում:

2.1.3 Չընդունել Ծառայության արդյունքը՝ ԼՂՀ օրենսդրությամբ սահմանված դրույթներին և պայմանագրով նախատեսված պահանջներին չհամապատասխանելու դեպքում՝ իր հայեցողությամբ սահմանելով թերությունների անվճար վերացման ողջամիտ ժամկետ:

2.1.4 Մինչև Ծառայության արդյունքը Պատվիրատուին ներկայացնելը ցանկացած ժամանակ իրաժարվել սույն պայմանագրի կատարումից՝ Կատարողին հատուցելով իրաժարման արդյունքում պատճառված վնասները՝ այդ մասին առնվազն 30 օր առաջ տեղեկացնելով Կատարողին:

**2.2 Պատվիրատուն պարտավոր է՝**

2.2.1 Քննարկել և ընդունել պայմանագրին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները:

**2.3 Կատարողն իրավունք ունի՝**

2.3.1 Պատվիրատուից պահանջել ընդունելու սույն պայմանագրին համապատասխան մատուցված Ծառայության արդյունքը:

2.3.2 Մինչև Ծառայության արդյունքը Պատվիրատուին ներկայացնելը, Պատվիրատուի կողմից ցանկացած ժամանակ սույն պայմանագիրը կատարելուց հրաժարվելու դեպքում Պատվիրատուից պահանջել վճարելու փաստացի մատուցված Ծառայության համարժեք գինը, բացառությամբ սույն պայմանագրի 6 և 2.1.4 կետերով նախատեսված դեպքերի:

#### 2.4 Կատարողը պարտավոր է՝

2.4.1 Սույն պայմանագրով սահմանված պայմաններով ապահովել Ծառայության մատուցումը՝ Պատվիրատուի կողմից փոստային առաքանին՝ ստանալուց հետո 15 օրվա ընթացքում առաքել հասցեատիրոջը կամ ներկայացնել առաքման ուշացման հիմնավորումը:

2.4.2 Սատուցած Ծառայության արդյունքում թերություններ հայտնաբերվելու դեպքում Պատվիրատուի կողմից սահմանված ողջամիտ ժամկետում անվճար ապահովել թերությունների վերացումը:

### 3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Պատվիրատուն Ծառայության մատուցման պահանջ առաջանալու դեպքում կատարողին է ներկայացնում իր կողմից ստորագրված փոստային առաքանու առաքման ռեեստրի երկու օրինակ /Հավելված N1/, իսկ Կատարողը Ծառայության մատուցման ավարտից հետո Պատվիրատուին է ներկայացնում իր կողմից ստորագրված ռեեստրի մեկ օրինակը:

3.2 Ծառայությունը մատուցված է համարվում ռեեստրը երկկողմանի ստորագրելու պահից:

### 4. ՊԱՅՄԱՆԱԳՐԻ ԳԻՆԸ

4.1 Սույն պայմանագրով կատարողի մատուցած ծառայության գինը կազմում է 1300000 / մեկ միլիոն երեք հարյուր հազար / 77 դրամ, որը որոշվում է ԼՂՀ կառավարության կողմից սահմանված փոստային առաքանու տեղափոխման սակագների հիման վրա:

4.2 Պատվիրատուն իրեն մատուցած Ծառայության դիմաց վճարում է անկանխիկ: Դրամական միջոցների վճարումը կատարվում է 3.1 կետով նախատեսված փաստաթղթի երկկողմանի ստորագրված օրինակը Պատվիրատուի կողմից ստանալու պահից 10 բանկային օրվա ընթացքում:

4.3 Պատվիրատուն ցանկության դեպքում կարող է նաև Կատարողին նաև որոշակի գումար վճարել որպես կանխավճար:

### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Ծառայության մատուցման որակի և սույն պայմանագրով նախատեսված պահանջների պահպանման համար:

5.2 Կատարողը պատասխանատվություն չի կրում Պատվիրատուի կողմից առաքման հասցեն կամ հասցեատիրոջ տվյալները սխալ ներկայացնելու դեպքերի համար և նման դեպքում ծառայությունը համարվում է մատուցած:

5.3 Սույն պայմանագրով չնախատեսված դեպքերում կողմերն իրենց պրոնավորությունները չկատարելու կամ ոչ պատշաճ կատարելու համար պատասխանատվության են ենթարկվում ԼՂՀ օրենսդրությամբ սահմանված կարգով:

## 6. ԱՆՉԱԴԹԱԳԱՐԵԼԻ ՌԺԻ ԱԶՂԵՑՈՒԹՅՈՒՆԸ /ՖՈՐՄ-ՄԱԺՈՐ/

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 1 ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին գրավոր տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Սույն պայմանագիրը ուժի մեջ է մտնում ստորագրման պահից և գործում է մինչև 2017 թվականի դեկտեմբերի 30-ը:

7.2 Սույն պայմանագրում փոփոխություններ և լրացումներ կարող են կատարել միայն կողմերի փոխադարձ համաձայնությամբ: Յուր պայմանագիր կնքելու միջոցով, որը կհանդիսանա սույն պայմանագրի անբաժանելի մասը:

7.3 Սույն պայմանագրի կապակցությամբ ծագած վեճերը լուծվում են քանակությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

7.4 Սույն պայմանագիրը կազմված է 3 էջից, կնքվում է 2 օրինակից, որոնք ունեն հավասարազոր իրավաբանական ուժ: Սույն պայմանագրի 1 հավելվածը՝ բաղկացած 1 թերթից, հանդիսանում է պայմանագրի անբաժանելի մասը, յուրաքանչյուր կողմին տրվում է մեկական օրինակ:

Կողմերի իրավաբանական հասցեները, բանկային վավերապայմանները և ստորագրությունները

ՊԱՏՎԻՐԱՏՈՒ  
Սյունիքի մարզի ընդհանուր  
իրավասության դատարան  
Բ. Կապան, Մ.Ստեփանյան 3/2  
ՀՎՀՀ 025832  
Հ/Հ 90031118063  
Կենտրոնական գրասենյակում



ԿԱՏԱՐՈՂ  
«Արցախսիուտ» ՓԲԸ  
Բ. Ստեփանակերտ  
Հանրային 30  
ՀՎՀՀ 90001833  
Հ/Հ 223001001831  
«Արցախսիուտ»

